


Conghroengj Ginhlunz Majsanh

马山金伦洞


□ Maj Veiyungz comz hoiz




▲ Doz swliu: Bakdou diegbaeyouz Conghroengj Ginhlunz.




▲ Doz swliu: Rin conghroengj lai cungj lai yiengh.



▲ Doz swliu: Gingjsaek gyaеundeі.



▲ Doz swliu: Ndaw conghroengj.



▲ Doz swliu.: Duzngaeuz ndaw raemx lumj Lungzgungh ndaw haij.

Conghroengj Ginhlunz youq laeng baihsaebaek Yangzhih Cin Majsanh Yen, dwg aenvih rinhoi lajnamh deng raemxlajnamh cimqmyaex le couh bienqbaenz de, caemh dwg cungj gingjsaek laeng dieg gahswhdwz gak miz haenx, vunz heuhguh conghroengj, conghlaeh roxnaeuz conghndoet. Conghroengj Ginhlunz dwg giz dieg gahswhdwz gih raeuz ndawde conghroengj ceiq hung, ceiq laeg, ceiq raez ndeu.

Gij coh Conghroengj Ginhlunz daj gij goj bouxyinghyungz Bouxcuengh Veiz Ginhlunz daeuj. Gij goj de riuzcienz youq ranghdieg Majsanh, Vujmingz, Duh' anh, Sanglinz. Cienznaeuz, de doekseng seiz, fajnaj youh luenz youh haengz, lumj daengngoenz haetromh, ndigah bohmeu couh an coh de guh “金轮”, doeklaeng vunz lai heuh de guh “金伦” gvenq bae. Daeg Ginhlunz majhung lo, couh bae doegsaw lo. Hagdangz ndawmbanj iq lai, de couh caeuj boudoih daengz conghroengj de fatyienh haenx bae doegsaw. Ngoenz ndeu, boudauxsae daiq gyoengqde youz conghroengj, Ginhlunz byaij youq gajlaeng, de yawjraen gingjsaek ndei lai, couh dingz le saek yaep, byawz rox de doq lotdoh lo, cix ra mbouj raen roen. Doeklaeng de bungz daengz goenglaux saenzsien ndeu, boud de soengq le buh gim, anmax gim, bien gim caeuj duz maxsien gwnzgyaeuj miz gaeu ndeu, caiq son de baenzlawz guenj ndei guekgya, daiqbing hoenxcienq. Gajlaeng Ginhlunz gauj

ndaej goengmingz caiq guh le hak hung, hoeng, de lij dawz gij haemzhoj vunz lai ranzmbanj haeujsim, fad bouxrwix, haenh bouxndeі, vunz lai cungj fug de. Mboujliuh vuengzdaeq caeuj gyoengq caenzrwix cungj nyinhnaeuz de dwg “bouxuk-bieng”, couh gajgak de. Ginhlunz dai le couh bienqbaenz bouxaenz, ndang longz buh gim, fwng gaem bien gim, naengh anmax gim, gwih maxsien, dwk dai gij bing vuengzdaeq caeuj gyoengq caenzrwix baij daengz Mbanjcuengh guhyak haenx liux le couh mbin deuz lo. Baezlaeng Mbanjcuengh miz nanh, Ginhlunz cungj okdaeuj bangcoengh.

Bi 1987 ndwen cibngeih, aen doih conghroengj cien' gya laeng Yinghgoz daeuj Conghroengj Ginhlunz, gaujcaz le ngeihcib caet ngoenz, lwnhcingq congh de dwg seiqgyaiq cib congh roengj (gamj) mizmingz ndawde aen ndeu. Yaek byaij liux Conghroengj Ginhlunz cix aeu byaij baenz cib goengleix, con gvaq cibngeih goengq bya. Ndaw roengj canzlangz mboujduen hiet baenaj, mbangj diuz roen sohrangrang, lumjbaenz diuz loh bakdah ndaej hai ci iq, mbangj cix ngutraurau, yawj mbouj raen gyaеuj. Saek bak aen ding hung hung iqi, aen ceiq hung ndeu miz sam diemj haj fanh bingzfuengmij hung. Song diuz cimrin ceiq hung de miz ngeihcib roek mij sang, dingjroengj ceiq sang miz itbak hajcib mij. Youq baihnamz gig noix raen cungj ding conghroengj hung hung gvangqgyangq neix. Gij rin ndaw conghroengj lai cungj lai yiengh, gizgiz miz saeurin, varin, makrin, doenghduz rin daengj daengjsoengz, venj dauqdingq, lumj byaleix diuq dan, duzlingz vax ronghndwen, canghdwkyba epbya daengj, lumj yiengh caen de nei, daj baihyae yawj gvaqbae, gig hungmbwk. Boudoux yawjraen cungj haenh mbouj dingz.

Raemx daj ndaw rin riuz okdaeuj, bienqbaenz diuz dah, mbangj mwnq caenh baez deu de, couh ndaej cauh ruz nyig dah yawj gingjsaek lo. Diuz dah lajnamh riuz dwk numqnumq, lumj aengingq nei, ingj ok aen seiqgyaiq dajhaij, lungzgungh caeuj lueg hung daeuj, gij gingjsaek neix lajmbwn cungj noix miz ha. Byaij youq ndaw conghroengj, mwngz couh nyaenx mbouj ndaej danq swhyienz baenzneix ak, ndaej cauh ok cungj gingjsaek gyaеundeі neix daeuj, hawj hekyouz mboujsij dauqma.